

延吉邊務報告

[甲]

再改
版訂

地 770.42
914.1
部 = 1~4

图整库

光緒丁未

近吉邊務報告

光緒戊申奉天學
務公所再板刷印

延吉邊務報告序

宋臣張舜民有言自古守邊選將未必專以攻戰爲事要在精神折衝而已嗚呼豈不然哉歷觀疆臣禦邊扞圍之策與其國之所以日闢日蹙之由成敗昭然不可誣也

國家龍興長白威德遠屆西北藩服疆以戎索而盛京吉林黑龍江號東三省爲滿洲根本重地不屬邊防獨以近與俄鄰屢修界約當夫國力方強精神所及則有康熙二十八年尼布楚之約收回雅克薩微地立碑額爾古訥河畔爲二百餘年無上之光榮及其國力稍弱精

神所不及則有成豐十年烏蘇里河之約割棄右岸沿江之地二千七百餘里貽今日無窮之憂綜觀前後凡所恃爲折衝之具者彼此皆未嘗煩一兵折一矢也而盛衰得失之數其灼然可見者如此亦越光緒三十三年日俄戰後而東三省邊防亦由是日亟

朝廷懲前毖後改設行省

簡重臣爲督撫以統轄之我 天津徐公於是持

欽差大臣之節總督東三省蒞任逾月內修外攘聞日人有以我吉林延吉廳治易名間島之說因妙選僚佐之熟習邊情者亟往調查而吳君綬卿實行綬卿旣奉檄

則率其屬周維楨李恩榮等冒暑就道跋涉山川窮極
邊塞遂於某月日行抵延吉而日本駐韓統監伊藤侯
所派齋藤中佐亦同日到延屬之六道溝綬卿既爲之
考證圖史鈎稽册籍益以躬所閱歷見聞尤確決知圖
們江北爲我延吉區域持論嚴正侃侃不撓昭常時在
奉天獲見所上節帥函牘明而能斷嘖嘖稱服節
帥亦知昭常之可與論邊也爰具疏奏請俾偕綬卿同
戍延吉暮秋九月相繼達戍所謀所可恃以爲折衝之
具者而綬卿援引論據所得益夥因請其裒香成帙用
昭布海內外軍書旁午伏案眇暇仍屬周君維楨襄助

搜討竭日夜之力聚官私書數十種旁徵博採爲文若
千篇凡一篇之成昭常輒先得寓目焉書爲界務而作
非所論於著述故體例不純然前無所因繼無所襲於
百日之內成一方之言殫見洽聞語皆徵實編纂之力
亦云劬矣嗚呼千金之隄潰於蟻穴兩局之爭判於先
著使綬卿非奉節帥之命當未必來此而他人方日
伺於臥榻之側陽假仁義之名陰行吞併之志乘機攫
取如入無人之境向之驕兵汚吏益復爲淵馮魚爲叢
毆爵茫茫舊壤惟有拱手相讓而已復何所藉而成此
書以爲今日吾黨折衝之用哉抑吾聞之太史公之傳

匈奴曰冒頓既立東胡疆盛欲得千里馬冒頓與之欲得一闕支冒頓復與之欲得甌脫外棄地冒頓問羣臣羣臣或曰此棄地與亦可不與亦可於是冒頓大怒曰地者國之本也奈何與之諸言與地者皆斬遂東襲擊破滅東胡以故冒頓得自疆孝文之詔單于曰天不頗覆地不偏載朕與單于皆捐細故蹈大道使兩國之民若一家子元元萬民下及魚鼈上及飛鳥跂行喙息蠕動之類莫不就安利而避危殆故來者不止天之道也由前之說則我延吉尺寸之地誠不可以讓人以嚴守在四夷之防由後之說則越墾韓民又未嘗不可兼容

並包以拓王者無外之規然非藉我節帥發蹤指示能以精神爲折衝其收效尙不知何如昭常力小任重奉職無狀恒惴惴焉隕越之滋懼也書付排印周維楨來請序書中所已詳者不復多述特爲推廣論之並徵諸史記之語以告吾中土同志之談國防者

光緒三十四年歲在戊申三月督辦吉林邊務全省各軍翼長署璋春副都統前史官新會陳昭常序

延吉邊務報告叙言

韓之附屬中國也舊矣漢唐以來列爲藩服我

朝龍興東土密邇韓封臣服而卵翼之凡河山國界之分
往往無歧視非有他也不外視諸藩服也自韓政不綱
國益削弱內分君妃儲貳之黨援外迫悍族豪宗之爭
闕而列強環視遂啓乘間抵隙之思迨日俄戰罷而日
人擴張之勢力於韓日以鞏固遂漸啓其侵略之野心
既羨圖們江北農產之沃饒夾皮溝金礦之美富長白
山森林之豐茂且得之可以拊海參崴之背而斷俄人
之左臂也於是視線所集一若舍延吉無有爲進取之

延吉邊務報告

吳叙言

奉天學務公所印刷處印

基者從來朔幕以東文風不振志風土紀道里之作在
昔無之卽

國朝輿地學者之著述亦多詳南而略北明古而昧今日
人知其然故始則別爲間島之名詞繼且繪入韓國之
境界蓋以圖們江爲天然界限鐵案難移故欲藉土門
等種種音訛淆亂萬國之視聽其用心蓋已狡矣不知
守土者疆吏守志者史官穆克登審視之碑彰彰具在
雖經韓民移置而光緒紀元以來重勘三次紅丹舊址
可考而知彼豈能以游移無據之詞奪我圖們有定之
界中心疑者其辭枝固非自反而縮者之所懼也惟是

疆域廣狹道里遠近生產多寡輿圖詳簡不能了然於心有主權者寧無愧焉今

東三省總制徐公知山川不習不可以圖勝算特於丁未之夏檄祿貞調查吉韓界務爰挈督練處周李二科員測繪生六人冒暑偕行既抵吉則窮旬月之力上考史乘中稽界碑下採輿論而日人誑造間島之名不攻自破

徐公以祿貞能知滿韓界事請諸

朝命陳君昭常督辦吉林邊務而以祿貞副之九月到防籌所以治邊之策以爲必示人以不可攻而後人不攻

必示人以不可欺而後人不欺居今日而求其所以不攻不欺之道蓋舍揭滿韓界務之沿革以釋內外國人之疑惑疆場之事未由定也因綜其前日所得復旁考列國之輿圖迺譯西人之紀載證以日韓之邦志斷以國史及諸名家之箸錄薈萃成編求其可以公之於世讀是書者當知此爲歷史之遺跡而非祿貞一人之私言也書既成叙其略曰

貢矢古邦厥名肅慎樂浪句麗郡國漢晉唐隸渤海羈縻受命圖們流域女真威震越數百年

聖清翊運長白巍巍山陵永鎮述延吉廳疆域之歷史第一

王迹肇基不咸山東豐林窩集鬱鬱葱葱樵蘇却步禁地緘封外藩越畔實始咸同邊臣獻策作邑同豐璋春治設延吉名崇河防牧馬弓抱髯龍天造草昧民政從風述延吉廳建設之沿革第二

圖們南繞白山東迤大陸中開方四千里剖判隰原經畫疆理神泉隩區山河表裏述延吉廳之地理第三
我

皇初元韓民越墾月戴耰鋤雲屯鍤畚田許牛蹊戶聞犬警聖德同仁棄捐不忍受以氓塵籍諸國境納稅輸租結廬成井庇字辜恩假田忘返東隅雖失桑榆未晚述韓人越

墾之始末第四

封碑峨峨紅丹是存圖們鳴綠界水中分韓民鼠黠盜竊糾紛中韓會勘既無異言紅土石乙兩水之間如何疆吏爭辯斷斷爰據典志還我河山述吉韓界務之始末第五

日人墟韓思拓其土摭拾唾餘橫肆簧鼓土門豆滿臆說紛歧間島之名昔無根依爰據載籍敢告職司述日韓謬說之糾正第六

平原膻膻膏腴之藪五金纍纍鑛藏之母攝緘固局爲大盜守投骨於地噬爭羣狗利之所趨恐居人後地不

自治民不我有物腐蟲生其來已久述日人經營延吉之原因第七

交遠攻近聲東擊西狡哉斯策破我藩籬內行詭秘外飾聽聞人燭其僞我揭其真登之紀載布告四鄰述日人經營延吉之政策第八

綜此八章而吉韓邊務大槩已略可觀矣與斯役者調集官私書籍數十種鈎稽圖志亦數十種分條析縷頗復不易特先成八章以供先觀之快蒐集資料有待續纂蓋事例繁賾調查須時書名報告固非一時所能備也誰司編輯則周君維楨躬任其勞而潤色襄校之者


則王君國琛與莫君錫鑫之力居多云例得附書

光緒戊申三月幫辦吉林邊務陸軍協都統銜陸軍正參領吳祿貞叙

延吉邊務報告總目

- 第一章 延吉廳疆域之歷史
- 第二章 延吉廳建設之沿革
- 第三章 延吉廳之地理
- 第四章 韓民越墾之始末
- 第五章 吉韓界務之始末
- 第六章 日韓謬說之糾正
- 第七章 日人經營延吉之原因
- 第八章 日人經營延吉之政策

(本書尙有續出者當別用單行本續印發行)




說 圖

丁未六月 錄員奉三省軍督命率同科員周維楨李恩榮並學生六人自吉林省起經敦化縣延吉廳琿春等處沿圖們江達於長白山由夾皮溝折至省城而止計縱橫二千六百餘里歷七十有三日測量始竣事爰以五十萬分之一製成是圖本為界務起見凡沿圖們江一帶以至長白山頂與吉韓界務有關者皆係用儀器以迅速之法精細測之餘則概用步測蓋因山嶺叢錯森林密茂測手既少時日復迫故於邊界較遠之區祇得稍從簡略雖有平面而無水準而方向距離尚覺精確於界務不無小補云

光緒三十三年十月三日 督辦邊務陸軍部協辦銜參領吳祿員謹製

例 圖

噴莊	鎮村	城縣	城省	路道	河江	嶺山
坑土	樹菜澗	樹菜鐵	記碑	礦銀	礦金	宇廟
橋欄通	地沙	地草	坡土	地濕	綫電	Y



延吉邊務報告

第一章 延吉廳疆域之歷史

一 唐虞至周秦

二 西漢

三 東漢及三國

四 兩晉及南北朝

五 北魏及隋

六 唐及五代

七 遼

八 金

延吉邊務報告

延吉廳疆域之歷史 目錄

一

奉天學務公所印刷處印

九 元

十 明

十一

國初

結論

第一章 延吉廳疆域之歷史

一 唐虞至周秦

東方之國見於中國歷史者肅慎最古竹書紀年載
帝舜二十五年肅慎來朝獻弓矢又周武王時息慎

氏來賓傳志慎即肅慎之稱晉宋時亦挹婁後漢書挹婁

山海經云大荒之中有山名曰不咸有肅慎氏之國

郭璞注肅慎去遼東三千餘里今名之為挹婁國 晉書云肅慎在於不咸山

之北東濱大海西接冠漫國北極弱水其土地廣袤

數千里

按不咸即長白山弱水即黑龍江冠漫國未詳大

延吉邊務報告 延吉廳疆域之歷史 奉天學務公所印刷處印

海即指今東海而言又宋劉忠恕云肅慎國界南

包長白北極弱水夫謂南包長白則圖們江北必

為肅慎氏南境無疑周時雖封箕子於朝鮮然考

其故地乃在今奉省南部未越白山以東則今吉

省南部所可考者漢以前惟肅慎耳此延吉廳在

唐虞及周秦時為肅慎氏疆域之證

二 西漢

漢武帝元狩中滅朝鮮開其地為樂浪元菟臨屯真

番四郡昭帝始元五年罷臨屯真番以并樂浪元菟

以沃沮地為元菟郡以高句麗為縣屬元菟後為夷

貊所侵徙郡於高句麗西北更以沃沮爲縣自單單
大嶺以東沃沮濊貊悉屬樂浪後以境土廣遠復分
嶺東七縣置樂浪東部都尉志見後漢書東部都尉治三國
耐城在朝鮮咸興府北

按單單大嶺卽長白山濊貊卽今朝鮮江源道等
處沃沮卽由今圖們江北至朝鮮咸鏡道等處後見

漢書及疆域沿革圖則自單單大嶺以東延吉廳居長南及
朝鮮之江源咸鏡二道皆樂浪郡屬矣蓋當周末
肅慎之勢日衰長白山南沃沮濊貊諸部落紛起
其間朝鮮亦乘時略有其地故漢滅朝鮮置四郡

遂并降沃沮濊貊而兼有圖們江南北也此延吉
廳在西漢時爲樂浪郡東部之證

三東漢及三國

後漢光武六年罷樂浪都尉卽以封其渠帥稱沃沮
侯又有北沃沮一名置溝婁去南沃沮八百餘里後見

漢書東夷傳云沃沮在高句麗蓋馬大山之東東濱大海北與挹婁夫餘接
南與濊貊接其地東西狹南北長可折方千里三國志

東南北狹長

按蓋馬大山卽長白山東濱大海正當圖們江入

海處北接夫餘今伯都挹婁今甯古夫餘南界句

麗西界沃沮是沃沮西北界夫餘東南當今大宅

子帽兒山等處挹婁南界北沃沮北沃沮去東沃

沮八百餘里為沃沮正北界當今甯古塔等處南

界濊貊則其南境乃直接朝鮮江源道北界為咸鏡道

等處故曰南北長東限大海西限句麗故曰東西狹

也即參以三國志東北狹西南長之說亦無不合

故以東沃沮證今延吉廳其說有四在長白山東

說一東濱大海說二挹婁南境為今甯古塔等處

中間隔北沃沮八百餘里而界東沃沮北境正當

圖們江北說三漢書三國志皆稱其地背山向海

土地肥美宜五穀與延吉地形適合說四此延吉

廳當東漢三國時為沃沮北境之證

四兩晉及南北朝

有高句驪者於前漢時建國於遼東至晉而漸盛為

南滿洲獨立之大國自晉宋至於齊梁後魏後周其

主皆受南北朝封爵至唐高宗時而國滅據馬端臨

其疆域東至新羅西渡遼南接百濟北鄰靺鞨據北

按高句驪本漢元菟一縣名耳後浸廢棄至王莽

時以不肯發兵擊匈奴更名高句麗王為下句麗

侯始見爲國光武復其王號當公孫氏據有遼東高句麗地字尙狹以永嘉之亂乃漸侵入遼土故東晉南北朝時爲其國最盛時代然考其疆域亦祇於西北開拓耳東北實未踰長白圖們也北史稱其國北鄰靺鞨靺鞨者勿吉之別名勿吉有白山部粟末部史言粟末部與高麗接而白山部在粟末東白山部者以長白山得名今延吉廳正在山之東麓新唐書北狄傳白山部本臣高麗蓋自晉以後長白山東已爲靺鞨白山部所據仍受句麗之羈縻耳此延吉廳當兩晉及南北朝時爲勿

吉白山部疆域之證

五北魏及隋

有勿吉者在高句麗北一曰靺鞨其部凡七一粟末

部二伯咄部三安車骨部四拂涅部五室韋部

文獻通考

北誤作號室蓋後此文有云在六黑水部七白山部見北

傳吉新唐書北狄傳黑水靺鞨居肅慎地亦曰挹婁元

魏時曰勿吉離爲數十部曾各自治其著者曰粟末

部居最南抵太白山亦曰徙太山依粟末水以居

中略

粟末之東曰白山部部之遠者三四百里近者二百

里又隋書靺鞨傳云靺鞨所居多依山水東夷中爲

強國有徙太山者俗甚敬畏其國西北與隋懸隔惟粟末白山爲近

按太白山當卽朝鮮咸鏡道北之大白山粟末水據饒氏沿革圖當今鴨綠江粟末部抵太白山依粟末水以居是沿鴨綠江南岸爲粟末部地六部皆在江北獨粟末跨江而南故曰居最南也粟末之東爲白山部居鴨綠江東北粟末居最南正東可爲東北而以白山名部則其爲圖們北之長白山無疑是由今圖們江北以及敦化縣境皆白山部地也此延吉廳當北魏及隋時仍爲勿吉白山部

之證

六唐及五代

唐滅高句麗而渤海興爲海東獨立之強國渤海本粟末靺鞨而附屬於高句麗至唐武后時立國稱震國王盡有扶餘沃沮并韓朝鮮之地建國號曰渤海自唐迄五代歷二百餘年至北宋時遼破渤海忽汗城改爲東丹國詳舊唐書及文獻通考其疆域南越長白有新羅今朝鮮咸鏡道高麗之境今平安道北至黑龍江東至烏蘇里江幅員五千里建五京十五府詳馬端臨文獻通考其上京今塔子溝之南則爲率賓府新唐書北狄傳云率賓故

地爲率賓府領華益建三州金史地理志云率賓路節度使遼時爲率賓府置刺史本率賓故地西北至上京楚今喀勒一千五百里東北至呼爾哈姓今城一千一百里西南至海蘭海即延吉廳一千二百里北至邊界二千里明一統志云恤品河經建州南渤海之建州即今之敦化縣一千五百里入於海金人置恤品路即率賓路以此爲名

按渤海之率賓府卽以綏芬河得名考今綏芬廳西北至阿勒楚喀東北至三姓西南至海蘭其里數與金史所記率賓四至皆符率賓又作蘇濱又

作速平亦作速頻又作恤品與今之綏芬音義亦無不合則率賓之爲綏芬確無疑義今延吉廳東北有綏芬甸子卽綏芬河發源處延吉廳東北與界又滿洲源流考云渤海率賓故府在今額多力城之南額多力城卽敦化縣而延吉廳則正敦化之南境也此延吉廳在渤海時爲率賓路之證

七 遼

契丹興於滿洲之西戈壁之南自太祖阿保機立國破渤海臣服滿洲之地伐女真降高麗略中國之北部建國號曰遼經五代至北宋之末而亡詳遼史

疆域西由沙漠以南蒙古之地包括直隸山西陝西
之北部東南有盛京吉林省以至朝鮮之平安咸鏡
二道以甯古塔爲最東界其建置則分五京爲五道
其下有州軍縣地理志五京之外如率賓府者則仍
渤海之舊名而與五京異者也遼史地理志率賓國地

按遼滅渤海後卽率賓故地設率賓府

率賓卽綏芬見前

其地處遼代疆域之極東境域亦最廣蓋遼代專
用兵於中國之北部所取渤海舊壤僅設率賓一
府以鎮之故其地多自爲部落叛服無常如金史
所記圖們瑋春之交有烏庫里部一名烏倫圖們水

有溫特黑部扎蘭路

扎蘭路卽海蘭

有完顏部其部落均

在今延吉境內皆率賓府轄地也此延吉廳在遼
代仍爲率賓府之證

八金

女真之先本出於靺鞨始附屬於高句麗五代時附
屬於契丹初爲完顏女真部崛起於圖們江流域自
太祖完顏阿骨打始建國號大金太宗立滅遼伐宋
兼有中國北部至廢帝而亡金之疆域東極濟喇敏
烏達嚙之境北自夫餘之北三千餘里以和羅和屯
穆昆之地爲邊

此邊界之詳

東可至日本海北可跨

黑龍江其南境與高麗接界金之建置仿於遼設五京復增一京爲六分十九路滿洲共設九路以上據金史吉林省之東南曰海蘭路金史地理志云海蘭路設總管府貞元元年改總管爲尹仍兼本路兵馬都總管承安三年設兵馬司副總管有伊勒呼水西北至上京一千八百里東南至高麗界五百里

按金代之海蘭路卽以延吉廳之海蘭河得名其地自當在海蘭河流域金史云海蘭路西北至上京一千八百里東南至高麗界五百里考遼金與高麗舊界在今咸興府南之定平府據金史金世紀

及高麗傳皆云高麗出兵海蘭甸築九城康宗伐之高麗復請罷九城之戍朝鮮史亦云咸州等九城乃高麗所築尋卽撤還所謂九城者卽今之慶源鏡城富寧會寧鍾城興京穩城等府是也據金史終金之世圖們江南岸之九城不能爲高麗有故史云西北至上京一千八百里東南至高麗界五百里由今之海蘭河計之北至吉林以北之阿勒楚喀南渡圖們江而至朝鮮之定平與史志道里適相符合此海蘭路當在海蘭河之流域其證一金史云率賓路節度使本率賓故地太宗天會二

年以扎蘭路都貝勒所居地瘠遂遷於此因名率
賓路節度使世宗大定十一年以扎蘭率賓相去
千里不可忘本遂命親管明安曰扎蘭明安扎蘭
卽海蘭謂一作耶嚙以南金史高麗傳此所率賓卽延吉廳
北之綏芬基見前三省圖說謂率賓故東西相去適
符千里之數則海蘭路當在海蘭河之流域者其
證二又滿洲源流考云海蘭路或云在海蘭河近
傍海蘭河不一與高麗相近有海蘭河在寧古塔
城南四百一十里合流入佈爾哈通河以達噶哈
哩河卽噶呀河今呼爲圖們江支流其言與今日

海蘭河之形勢適合則海蘭路當在海蘭河之流
域者其證三此延吉廳在金代爲海蘭路之證又
按延吉廳西南一百十里處有古城二一曰東古
城一曰西古城附近海蘭河適當圖們北岸之要
衝近年土人於此處獲古印三一曰大定三年金世宗
號年知審計院事印一曰上京路萬戶鈔字號印
爲旁金鐫宣宗祐二年號一曰副統所印皆金代之故物也
則此二城者其爲金代海蘭路總管府開府之故
地無疑
九元

元太祖成吉思汗首略有中央亞細亞初建都名曰和林格倫至太宗始滅金世宗立建國號曰大元滅宋而盡有中原之地以京畿爲中書省分其領土爲十一行中書省置總管府以滿洲爲遼陽行中書省置其治於今之遼陽州分轄各路地理志以吉林省之東南部爲海蘭府碩達勒達路元史地理志云海蘭府碩達等路土地廣闊人民散居元初軍民萬戶設五府一曰桃溫距上都四千里北今之一曰呼爾哈距上都四千二百里距大都三千八百里有瑚爾哈河并混同江又有海蘭河入於海一曰烏圖哩滿洲源

考作鄂 一曰托里林一曰布呼江各有司存分領混同江南北之地其居人皆爲碩達勒達女真之人各仍舊俗無市井城郭以射獵爲業設官牧民隨俗而治之

按元代疆域寬廣甲於前代以今東三省之大僅設一遼陽省以吉林省之大僅設開元海蘭兩路其建置可謂疏闊元一統志云自南京而南曰海蘭府乃海蘭路又南曰雙城直抵於高麗之王京雙城在芬河側是元之海蘭府在綏芬河之北與金之海蘭路名同而實異金海蘭路卽在延吉廳海蘭

河之流域前見元代海蘭府之所治據滿洲源流考

云海蘭路萬戶府卽設於寧古塔之境又元史云

瑚爾哈路有瑚爾哈河并混同江元史所謂混同江卽今松花江

又有海蘭河入於海寧古塔城傍有河渤海今呼

忽汗河一名呼爾哈河今呼則海蘭府當在今寧古塔之

境內矣然元之海蘭府雖與金代異處而海蘭路

則固轄有金海蘭路之地也海蘭路設上續通志云

合蘭路卽海兼有金代扶餘海蘭率瑣卽率和囉

噶及肇隆信三州之地滿洲源流考又云海蘭府

在今寧古塔境內鄂多哩府爲海蘭路一所卽今敦

化縣之地本朝定居於此始祖考今延吉廳東北與寧

古塔接西北與敦化縣接故

國初之時延吉廳原歸寧古塔屬光緒初元亦曾分

歸敦化縣屬以今證古形勢固相符也此延吉廳

在元代仍爲海蘭路之證

又按今高麗建國於遼宋時初僅據有朝鮮半島

之南岸而鴨綠江南之平安道圖們江南之咸鏡

道則皆遼金之領土也續通典云至元六年元世宗

號高麗之李延齡等以府州縣鎮六十城來歸八

年設東寧府十三年設東寧路總管府外設高麗軍州

高麗軍民總管府詳通典東甯路爲今朝鮮之平壤轄有平安咸鏡二道之地則其疆域當元初固猶仍遼金之舊也據朝鮮史云高麗元宗十年東北屬地叛附於元元置東甯總管府於西京即平壤西海道之慈悲嶺爲界在今平安道忠烈王四年元歸之而鳴綠圖們二江以南之地自此始爲朝鮮所有矣元之歸地於高麗不知何故高麗附元後說元之帝遣使日本後元帝自高麗出戰繼九

十明

濟百濟州島至鳴綠江口是皆忠烈王時之事或因此而予之以鳴綠圖們二江

延吉邊務報告

延吉廳疆域之歷史

奉天學務公所印刷處印

明太祖滅元改元之十一行中書省爲十三布政使司以轄全國之府州縣又置十五都指揮使司以轄衛及所成祖時廢元之遼陽行中書省置定遼都管於遼陽後改爲遼東都指揮使司轄衛二十州二於今之黑龍江吉林二省置衛三百八十四所二十四詳明史今據吉林省志所列瑋春延吉等處之衛所而參考其位置如左

率賓江衛 永樂四年置按本渤海率賓府地即延吉廳治東之綴芬河東距延吉七百

雙城衛 永樂四年因温托瑛等一處志自南京入

今南綏日芬海蘭河之府雙又城南子曰非雙吉城林直之抵雙高城麗堡王也京東其地延為

里吉今廳歸治俄約屬千
塞珠倫衛 按永河樂在四年延年吉置廳以治部東人三肅百爾里布之哈長為嶺指子揮

樂今名珠
穆霞河衛 東永百樂七五十年置按今名河漠在河延甸子廳治
慶金河衛 額永為樂五指年揮按置慶慶金河等即五慶吉以音部人在克延成

十吉廳今治名東陰南陽二河百二
烏爾琿山衛 吉永廳樂治五年東南置四按百即里今為之琿黑頂春園子在延

額哲密河衛 三永百樂六近年置按春有今阿延吉密廳河治東
通墾山衛 百永里樂六春年河置發按源山於在此延今吉亦廳名治土東門北四

延吉邊務報告

延吉廳疆域之歷史

舒繙河衛 治永東樂三六百年置十按里河入在綏延芬吉河

密拉衛 一永百樂八十年置有按密延江吉站廳即治此東

阿布達哩衛 廳永治樂東八近年置按春地河名亦東在溝延吉

富色克摩衛 廳永治樂東十年置按毛即口延巖吉

布爾哈圖河衛 延永吉樂十廳治二年南置約按距河二即里在今

錫璘衛 西正四統後十里置之按銅錫佛寺亦南有西林今河延入吉布廳爾治

哈圖河

瑚葉衛 集正後統後征取置之按在瑚葉吉路廳治國東初屬七東百海里窩

吉朗吉海蘭衛 治正南統二後十置里按之即海今蘭延吉廳

珠倫河衛 廳正治統東後南置約按二河百在里延吉

舒爾哈衛

嘉靖時置按此河入嘎里

愛丹衛

嘉靖時置按此河入嘎里

亦名艾蓋甸子

哈瞻衛

嘉靖時置按延吉廳此

按以上所列各衛皆在延吉至琿春一帶境內明代建置皆確實可稽惟建國以後蒙古侵擾北邊殆無寧歲盡其國力不暇他顧其對滿洲特羈縻遙制而已當我

朝未龍興以前宣德用兵乃及努兒千之地即今之寧古塔則威稜所及亦且萬里而遙故各衛所朝貢有定

延吉邊務報告

延吉廳疆域之歷史

十四

奉天學務公所印刷處印

期鎮撫有定職而爵秩印信皆必頒自內府

明一統志

云各衛給與其酋長仍舊俗各統其屬以時朝貢
即我

肇祖初興亦曾受建州衛之職則長白山東圖們江北以及琿春左右不得謂非明之領土也此延吉廳在明代為衛所之證

十一國初

國朝發祥於長白山東

始祖定三姓之亂遂居俄漠惠之野鄂多哩城

一作俄朵力里

建國號曰滿洲越數世以不善撫其衆國人叛殘害

宗族數傳至

肇祖慨然以恢復為志計誘先世仇人四十餘人至蘇克素
護河之呼蘭哈達誅其半以雪

祖仇執其半以搜舊業既得遂釋之於是

肇祖居赫圖阿拉地即興歷數傳至

太祖是時諸國紛亂滿洲有蘇克素護河部渾河部完顏部
棟鄂部哲陳部長白山國有納殷部鴨綠江部東海
國有渥集部瓦爾喀部庫爾喀部扈倫國有哈達部
葉赫部輝發部烏拉部滿洲及長白山二國為明建
州衛東海國為野人衛扈倫為海西衛羣雄蜂起爭

延吉邊務報告

延吉廳疆域之歷史

十五

奉天學務公所印刷處印

奪無已時明萬歷十一年

太祖討尼堪外蘭以復

祖仇十四年明入執尼堪外蘭付我十五年

太祖招徠各路環境諸部多以次削平國勢日盛十六年完
顏部及棟鄂部率其部眾來歸十九年遣兵略長白
山之鴨綠江路盡收其眾二十一年敗葉赫哈達烏
拉輝發科爾沁錫卦勒察科爾沁皆珠舍哩納殷
等九部來攻之兵二十三年取輝發部之多璧城二
十五年招誘瓦爾喀部之安褚庫內河二路三十五
年

太祖命其幼弟卓立克圖及額宜都征東海國之渥吉部

渥吉

一作窩集

取黑席俄黑漢惠蘇魯佛納赫施克索三路三十七年又命扈爾漢蝦征東海渥集部所屬之罅野路取之三十九年

太祖命其子阿布泰等征東海國渥集部之烏爾固宸及木

倫二路取之又命達爾漢蝦等征渥集部之呼爾路

故克扎固塔城其環境各路盡拓撫之四十一年

太祖親率大兵征烏拉部烏拉遂滅烏拉所屬之城邑皆附

四十四年建元天命天命四年滅葉赫自此以後凡

明代海西衛建州衛野人衛等國居今日盛京吉林

二省之地者蓋已削平殆盡矣

以上皆參考開國

記

太宗伐太祖實錄等書凡龍江

太祖征明之師皆不錄

按

國朝肇興東土凡環境諸國以次削平而延吉境內用

兵之事殊為罕觀蓋延吉為

國朝發祥重地在建國時已隸我

朝版圖造攻自毫根本為先有不可數典而忘祖者謹

參考開國各史證明延吉廳為

國朝發祥之地如左

白山東麓為

神聖誕生之地史有明文

見

開國方略滿洲源流考等

書延吉正居白山之東崧嶽降靈之區舍延吉誰

屬耶則延吉廳為

國朝發祥重地者其證一

發祥世紀略云

始祖建國居長白山東俄漢惠之野鄂多哩城在興京東

一千五百里寧古塔城西南三百三十里勒富善

河西岸善爾哈上流為勒富善建國號曰滿洲夫俄

漢惠即今之額黑穆索羅站簡名為額木索北距延吉廳

僅三百六十里耳鄂多哩即今之敦化縣城西有舊

延吉邊務報告

延吉廳疆域之歷史

十七

奉天學務公所印刷處印

亦城曰阿呼為奧東城西北距延吉廳僅三百里耳長

白山脈之東而論延吉廳居正東敦化縣偏北蓋在

東幹山脈之南敦化在東幹山脈之北哈爾巴嶺

所謂居鄂多哩城者蓋舉建國時之首都而言至

曰俄漢惠之野則四周數百里之地必皆在其範

圍之中是當時國境實包有今延吉廳額木索寧

古塔一帶之地則延吉廳為

國朝發祥重地者其證二

聖武記云明末扈倫四部為海西衛亦謂之南關北關

東海三部為野人衛多濱海島嶼滿洲五部長白

山二部則皆建州衛野人衛交界之地則由今盛京之興京東迄綏芬南至圖們江北皆建州衛地也

肇祖時曾任明代建州衛都督見明史是今之延吉廳在肇祖時固已受

國朝之統治矣則延吉廳爲

國朝發祥重地者其證三滿洲當明末諸國分裂爭相雄長統計延吉廳環境各部如長白山國之鴨綠部則在鴨綠江流域納殷部則在三音納殷額黑納音二河之間居長白山之北麓至東海國之庫

爾喀部雖在瑯春左右與朝鮮慶源相對見滿洲源流考

天聰二年以前大都讐服

天威率先朝貢惟瓦爾喀部屢勞

王師征討開國朝鮮方畧鏡道往征太宗會遣外藩科爾沁等

巡撫兵二千會征瓦爾喀然在烏蘇里江之東

日本海之北相距頗遠至

始祖建國之處如俄漠索鄂多哩城以迄布爾哈通河海蘭河圖們江之流域縱橫約距千里未聞有別部違抗致勞

王師之征討者蓋發祥重地人心歸向之誠有非他部

落所可比也則延吉廳爲

國朝發祥重地者其證四

國朝入關以來長白山列諸祀典

康熙十六年長白山發

詳祀典以昭國家茂膺神貺之意永且將興京以

東伊通州以南圖們江以北之地悉行封禁移民

之居住有禁田土之墾闢有禁森林鑛產之採伐

有禁人參東珠之捕取有禁統觀十一朝

聖訓言吉林封禁之事極多蓋顧念根本而思所以保

護者至周且密也則延吉廳爲

國朝發祥重地者其證五證此五者則延吉廳爲

國朝根本重地且在未入關以前矣

結論

延吉廳疆域自唐虞以至

國朝歷四千餘載如肅慎如靺鞨如渤海如遼如金則

皆建國滿洲而據有此土者如漢如元如明如

國朝則皆統一中國而領有此土者也史乘尙在版圖

俱可稽焉若今之高麗乃剽竊高句麗之名

書亦簡至稱朝鮮則襲箕子之舊稱名韓則襲三

韓之故號其領土域既不相同

安咸鏡二道若高麗乃建國於朝鮮半島者耳分

麗有全高年代亦復懸絕唐高句麗猶有高句麗百濟至隋

濟羅三國唐高宗時滅高句麗而新羅百濟尙存百

封有裨成桂王姓叛而建國之曰高麗仍李裔也不可以

今高麗之疆域與昔時高句麗等相混者夫豈待

辯考今高麗建國在遼宋時代僅據有朝鮮半島

南岸元代以後始獲有鴨綠圖們二江以南之地

前見明及

國朝皆為屬國奉命惟謹高麗兵力從未越圖們江一

步而乃妄指延吉廳為間島地考數千年來之歷史

名島之稱為屬清屬韓未經確定之疆土吾誠不知

其何所據而云然也